

السيد موسى جاد الله

# طرح الورد

أشعار

طبعة أولى مايو ٢٠١٩



السيد موسى جاد الله

## بطاقة الكتاب

عنوان المؤلف	طرح الورد
المؤلف	السيد موسى جاد الله
التصنيف	أشعار
رقم الإيداع القانوني	٩٤٤٩ - ٢٠١٩
رقم الإصدار الداخلي	٤٠١ الطبعة الأولى مايو ٢٠١٩
عدد الصفحات	١١٦ صفحة
تصميم الغلاف	مؤسسة النيل والفرات
المقاس	١٤x٢٠

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

### مؤسسة النيل والفرات للطبع والنشر والتوزيع

**ثورة مصرية تشرق إبداعاً على الوطن العربي**

رئيس مجلس الإدارة

**ناجى عبد المنعم**



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572  
 عضو عامل باتحاد الناشرين المصريين رقم 941 لسنة 2018  
 هاتف: 01011256943 - 01116202218 - 01202541192 طيفاكس: 020554372901  
 البريد الإلكتروني: [nagyegy200064@gmail.com](mailto:nagyegy200064@gmail.com) [alnilewaalfourat@gmail.com](mailto:alnilewaalfourat@gmail.com)  
[alnilewaalfourat](https://www.facebook.com/alnilwaalfourat) [alnilewaalfourat](https://www.facebook.com/alnilwaalfourat)  
 (المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ13 - عقار 304)



## مقدمة

الشاعر السيد موسى جاد الله شاعر له مذاقه الخاص ، فهو يكتب ما يشعر به ، وما تستبيحه قريحته ، دون تكلف ، أو قيود مختارة كانت أم مفروضة ، يُقحم نفسه في بؤرة المشهدين السياسى والثقافى من الناحية الإبداعية ويطوع الموقف بكلماته الرشيقة ليكون وجبة خفيفة لعقل المتلقى ، يستسيغها بكل الحب والتعامل معها بالشكل الذى أراده هذا الشاعر ( الذكى ) وهو لا يصنف أشعاره ولا يصففها ، ولكنه يلقى الضوء على الحدث بمفهومه الخاص ويبلوره بما يتناسب مع المزج الإنتلافى بين عقلية المتلقى وحساسية الحدث ، وتراه يدخل معركة وطنه فى كافة النواحي والمناحي فى آن واحد ويخلق منها شيئا جديدا يكتبه وينقله بمنتهى السخرية مستخدما المنهج الفلسفى ( التهكم والتوليد ) فهو يتهكم على الحدث ويسخر منه كى يُولد منه مايراه مناسبا للطرح ، ملتزما بالشكل التقليدى - الكلاسيكى - للكتابة ومعتمدا على الأوزان الداخلية والجرس الموسيقى الحرفى ، وفى النهاية نحن أمام شاعر رائع يذكرنا بيرم التونسي

ناجى عبد المنعم

شاعر وناقد

# شكر خاص إلى كلا من

مراجعة لغويه

الاستاذ / عبد الرحمن البجاوى

تقديم

ا. د / جمال حماد

كمبيوتر / سمير حامد

جرافك / محمد وتوت



## طرح الورد

ويبقى شعر العامية الممزوج بطراوه وواقعيه الشارع المصري ومعاناته وأفراحه ولغة السهلة البسيطة - عنوان - للأدب السهل والذي يتمنى سماعه كثير من الناس على اختلاف ثقافتهم وأذواقهم وهنا يتجلى بسهولة وبساطة ويسر شاعرنا الجميل المذهب صاحب الأبتسامة المعبرة والتي لا تفارقة ابداً الاستاذ السيد موسى جادالله أو ما ينادى به من أخلانه وأصدقائه ومحبيه أبوالسيد - الانسان البسيط المتواضع يكتب قصائد كأنها تشبّهه تماماً من انطباعاته وقناعاته ورضاه يداعب اللغة ببسر وسهولة وهى ايضا طبيعة له كأنهم اصدقاء تجمعهم لغة البساطة والمحبة والعشق.

يطوف بنا فى هذا الديوان المعنون بطرح الورد بإبداعاته المعبرة عن حدائق غناء، الكل فيها يبحث عما يفتقده من مشاعر او معانى او حكايات .

قصائد معبرة بعمق رغم بساطتها عن ثقافة المصريين بمعانى وعناوين متنوعة .

يالى فى حالى شمتانين - اما عجيبة



غتونا يا خلق - مآذن - المنتدى - أحلى مز - المعددة -  
حودة - لما الحياة - اميرة - زغلول - انا مصرى - قالو  
في الامثال وغيرها

ابداع شاعر دائما متألق عنوانه البساطة والتميز  
والعمق دومت موفقاً صديقى الجميل المتفائل البشوش دائماً  
ودامت عاميتك معبرة عن افراحنا واحلامنا واوجاعنا

الشاعر  
أ.د/جمال حماد  
استاذ علم الاجتماع  
كلية الآداب  
جامعة المنوفية



## الاهداء

الناس الغالية عليا

مذحت وصفهم

واللى شمتو فيا

ردحت لصنفهم

لكل واحد ووحدة

سمعت ذمهم

أدينى أهو النهاردة

برد نطحهم

السيد موسى جادالله



السيد موسى جاد الله

## ياللى فى حالى شمتانين

ياللى فى حالى شمتانين  
وفي اللي جرافي فرحانين  
شفتوا الدمع جوا عيوني  
عز عليكوا انكوا تواسوني  
راح نتقابل يوم الدين

هو نصيبى فرح مين  
غير الخساسة من الحاقدين  
اللى بعينهم ياما حسدوني  
كل مناهم يوم يلوموني  
اصل الغم فيهم دفين





مهما تعدى عليا سنين  
عمرى ما هنسى لدغ التعابين  
بكرة السم اللي ساقيتونى  
هتشربوا منه وابقوا عذرونى  
يرعاكوا جن من الشياطين

ليه فى حياتى مركزين  
وأنا وحياتكم شایل الطين  
كل حبايى راحو وفاتونى  
جوا عذاب الهجر رامونى  
وانا بعديهم أشكى لمين



أجرى طلبته من المعين  
يشرح صدر تعيس وحزين  
صابر مهما زماني عداني  
حتي ان عشت فيها وحداني  
ربك وحده جابر مساكين



## لسه بدرى ع الحمار

لسه بدرى ع الحمار  
علشان يعرف إيه انتصار  
يعنى إيه معنى الهزيمة  
وان جيشه جيش حليلة  
أما فعلا جيل مرار  
الف حسرة ع الصغار  
اللى جالهم داء سعار

أصل النوايا مش سليمة  
والرباية كمان عديمه  
بيض و زاد فيه الصفار  
كل فحل قد الجدار  
شاطر بس في الهزار  
قالوا دا جيش المكرونة  
نسيو يوم فيه حامونه  
وزالوا عنا كل عار



النهيق بقى ليه شعار  
والخيابة في كل دار

همهم كسر العزيمة  
كل مجد مالو هشى قيمة  
كلاب وعائزه ضرب النار  
نسل سلالة من التتار  
دوول حبه عواله باختصار

مصر بلدنا دي عظيمة  
وأنت يا ابن اللئيمة  
بيننا وبينكم ألف تار  
لسه بدري ع الحمار

## يا شابه يا مدممة

يا شابة يا مدممة  
بعد الجمال عنك  
قاعدة و ليه مبلمة  
ياللى ما فيش منك

كدبوا و قالوا مسممة  
سن الغراب سنك  
والشفة أهه مدللة  
ما يفرقوش عنك



يا بايرة وملتمة  
يحرق أبوفنك  
الريحة أهي مكممة  
طفش الحمار منك

## أما عجائب

أما عجائب ع السلسال  
اللي دا كان أصلا بقال  
سبحان من غير الحال  
عامل فيها سبع الرجال

قولنا طيب وابن حلال  
أتاريه واطى مالوهشي مثال  
ماشي في زمرة الأندال  
أصل دماغه راكبة شمال





شاطر بس ف قولنا وقال  
وعليه زبيبة تقول غربال  
فاكر نفسه سيدنا بلال  
وهو أساسا نسل بغال

كل حاجة فيها شغال  
عيشته حلوة وعال العال  
دايما ناظم علي الأحوال  
ترباس صدا عليه أقفال

لو طلبوه يجيله إسهال  
يعشق حاجة فيها جدال  
ويحلف ميت يمين بطل  
علشان يكسب نص ريال

روح يا بعيد يجيك سعال  
وكل بلوى عليك تنهال  
وتبقي مصاييك مالية شوال  
وجوا القبر تشوف أهوال  
أما عجائب ع السلسال



## سؤال لو سمحت

سؤال لو سمحت  
جاوبوا يا بتوع الدين  
هو اللي نازل فحت  
حسابه عند مين؟  
عايش وعيشتة كحت  
وحقوق الناس واكلين  
للظلم ليه سمحت  
وكوشت علي القيراطين  
جشعك خلاك دبحت  
والقلب بات حزين  
فاكر لما شطحت  
والدمع يملأ العين

اكنني بس فتحت  
في دفاتر السنين  
الغمز تحت لتحت  
وكم ان البوز شبرين  
فيكوا ياما نصحت  
وانتوا ولا داريين  
بتقولوا عليا جرحت  
قال يعني مجروحين  
يا كل شحط ومحط  
انتوا نفسكوا عارفين  
طول ما بتكلوا السحت  
أخرتكو زفت وطين  
مهما فيها نحنحت  
وتعمل زى المساكين  
قابلنى لو قلحت  
قدام رب العالمين



## يا كل جحش

يا كل جحش من الجحوش  
ياكل بغل من البغال  
هو أنتو إيه ما بتفهموش  
ضرب الصرم فيكم حلال

أكبر ما فيكم دا طلوش  
والباقي كله ليه شمال  
سلم يارب سلم وحوش  
لما الغراب يعمل غزال

بس انتو ليه ما بتشبعوش  
وبوزكو مدسوس في الغلال  
دايما تعبوا في الكروش  
حمير وعاملة فيها جمال

دا صنف واطي ما تربوش  
وقت العتاب ساقوا الدلال  
في طبع الندالة ما يثأدروش  
صاج مصدي عامل تيفال

بالذمة دي تبقي وشوش  
يتقال لها ماأحلي الوصال  
شد في لجامه ما تضربوش  
يهز ديله ابن البغال

## أما عجيبة

أما عجيبة يا نسل الديبه  
ليكي حركات بصراحة مريبه  
تقعدي ترغي ليل و نهار  
ولا بتردي حتي الغيبة  
عائشة دور بنت الحسينه  
ونسب يعلم بيه الهليه  
مهما ورثتي الغيط والدار  
راح تفضلي واطية وغريبة  
ياما وصفوكى و قالوا زكيبه  
وأسألي داليا وأم رتبية  
بلقى معاها كل الأسرار

زي عيادة وهي طبية  
رنة صوتك جد رهيبة  
صول بينادي جوا كتيبة  
دايما واخدة الجعر شعار  
إرهابي بس فاضل له زريبة  
خايف ياخدوا عليكى ضريبة  
علشان حرمه دماغها صليبة  
ياك يدوكى طلقة نار  
أو يرموكى جوا زريبة  
مهما رسمتى علينا الطبية  
عمرك يوم ما هتبقى حبيبة  
ياك ينهد عليكى جدار  
أو يباليكى يابعيدة بمصيبة



## غیتونا یا خلق هووہ

العقل فین ودووه  
بین رامی وابن غریب  
أحیه منهم أحووه  
الواد دماغه عالیہ  
لکن نفسیته شایله  
ونزل بوسـت فیـه  
رامی مسافر ایطالیا

ما عجبشى أبوالشباب  
ونادى كما البواب  
امسح البوست أوام  
لأخلى العيشة هباب  
وحلف بحياة الغالية  
ليربي ابن المائلة  
كلمه في التلفون  
علشان ايدو مش طائلة



نزل بسرعة كمان  
لابس كلسون كتان  
وكرشه كان مدلدل  
ومحمر في الودان  
الشرف فيه مشرور  
علشان منه منحور  
هداه عمر خليل  
وأسطي عصام الدبور

وانا طالع بالمكرونة  
كان زنقة ابن المجنونة  
وأداله علي قفاه  
والدنيا بقت معجونة

نجينا من المهالك  
وحكمني ابن الهالك  
وعملت فيها عبيط  
مع إني لسه مبارك



رمانا بحتہ نظره  
مسمومة وفيها الكسرة  
ياولاد ستة وتلاتين  
بانت عليه الحسرة

وصبحنا ثاني يوم  
زادوا لأحمد اللوم  
جاب المدام معاه  
دا كلام مالوش لزوم

الظاهر كان موجوع  
وصوته كمان مسموع  
لم علينا الناس  
وحقق في الموضوع

بتلوموا ليه عليه  
هو اللي جري إيه  
إيه يعني لما قال  
مبروك ياسعادة البيه



لا الكلمة كانت كلمتنا  
ولا الملعب ملعبنا  
أمة اللي كتانت قايله  
والغم جانا و صابنا

شفت بقي يا كبير  
كان لازم التدبير  
ما تخشش تاني بصدرك  
و تهب بدون تفكير  
النسل كله خايب  
والاسم بس قرايب  
واخدلي باللك انت  
يا حلو ياللي غايب  
غيتونا يا خلق هووه

## مازن

يادي الخيبة ويادي العيبة  
الواد مازن حالته غريبة  
مد إيديه وعمل مصيبة  
سرق المانجه حاجة عجيبة

اسمعوا مني وردوا كلامي  
علشان طبعي أصله حامي  
قولوا لأخويا ابنك حرامي  
سرق الفاكهة من قدامي

آه يا ابو كرش وبطن كمان  
قوللى فين قفص الرمان  
كل شوية تقول جعان  
وأنت بتأكل زي الحيتان



قالوا الواد يطلع لخاله  
طبعه منيل مالي وماله  
النبي حارسه سايق دلالة  
وأنا متبرى منه بحاله

قلنا يمكن طيش شباب  
سن مراقة كله عذاب  
طلع الطبع فيه غلاب  
وبقت سيرته زفت هباب

بلوى وحطت فوق أهالينا  
سمعه ياهوه لزقت فينا  
مين يستحمل ردوا علينا  
ألفين حسرة عليك يا أخينا

## المنتدى

ألفين سلامة ومرحبا  
علي الرجال الكوكبا  
شعرا كبار ومؤدبا  
ليهم تحية مهذبا  
ألفين سلامة ومرحبا

آدي زعيم المنتدى  
بسيوني جاهز للندا  
مشهور بفن الأستاذة  
عمره ما ساق البغده  
ألفين سلامة ومرحبا



أحمد شحاته عمنا  
قاعد منور جمبنا  
عصفور وزقزق عندنا  
كروان وغرد لحننا  
الفين سلامة ومرحبا

رغم الحماسة والعجب  
بجاوي فضله ياناس وجب  
ومن الكياسة والادب  
سلام لعم حامد رجب  
ألفين سلامة ومرحبا

ومن دواعي السرور  
رحبوا معانا بالزهور  
الصولجان رمز العبور  
اللو توفيق منصور  
ألفين سلامة ومرحبا

فرحات وكره الفرح  
بكل عزم يمتدح  
صياد وشباكوا انفتح  
دايما يبدا مفتتح  
ألفين سلامة ومرحبا



واللى غاب من عندنا  
وهو بسمة وسطنا  
طاهر حبيبنا كلنا  
كأنه واحد مننا  
ألفين سلامة ومرحبا

وكلام نعوزه كلنا  
الست فائقة أمنا  
نبيلة ومرفت أختنا  
سعيد وقطب ورْدنا  
ألفين سلامة ومرحبا

وناس كثير ماقولتهاش  
اللي راح واللي ماجاش  
وسطهم ارواح بلاش  
والكل ليا يبقي طنّاش  
الفين سلامة و مرحبا



## أحلى مز

يا واد مافهشى غلطة  
يا أحلى شاب مز  
جمالك أصله فلتة  
و غيرك عندي طز

يا مولع قلبي شطة  
يا مفل فل زي الرز  
علمت عليك بشرطة  
مع انك ابن عز

حبك جابلى زُغطة  
خلانى زى الـوز  
لا نافع فيها فانتا  
ولا حتى شراب فرز

لوكان الحب غلطة  
مش هقدر منه أفز  
خلاص بقيت في ورطة  
مش ناقص غير أهز





## المعدّة

مالقتش حد زيك  
يا جميل بالشكل دا  
أنا قلبي من عمايلك  
عايز له معدّة

تقعد تندب قصادي  
في شماته العدا  
أنا ياما قولت راضى  
من يتحمل كدا



ليلي ونهاري بنادي  
من يسمع النداء  
بهذلت كيان فؤادي  
حرام عليك كده  
عايزني ليه أداي  
واحـايل دا ودا  
ياما نفسي أبلغ مرادي  
إيه آخرة كل دا



## حودہ

أمتي الليالي يا حودة  
ترجع من تاني تعود  
أيامي بعدك سوده  
كأني ما ليش وجود

قلبي بيقول حموده  
شوقي ما لوش حدود  
النظره منك جوده  
وكل شيء مردود

ابعد عني البروده  
املاي الدنيا ورود  
املاها فرح وبعوده  
اخزى عين الحسود

العمر سنين معدودة  
العاشق فيها مسعود  
أيام الهوى محدودة  
والحب طريق ممدود  
النفس بقت مسدودة  
عوض الله ع المقصود



## لما الحياه

لما الحياه ضحكت لنا  
كنتي انتى فرحة قلبنا  
يا نعمة جت من ربنا  
انتى حبيبتي وروحي انا

قبلك ما كنش فيه هنا  
واليوم يعدي كمان سنه  
ياما دعيت لجل الضنى  
فضل الكريم جاب المنى

الورد دا من طرحنا  
علشان دى آخر صبرنا  
في الطلة شوفنا حلمنا  
أصل الحلاوة مننا  
بيكى انت نور فرحنا  
يا أحلي حاجة في عمرنا  
عطرك عبيره ف حيتنا  
لو حتى غايبة عننا

زاد الألم من بعدنا  
مين بس يجمع شملنا  
ما لناش بجد عنك غنا  
دا احنا مسيرنا لبعضنا



## أميرة

أميرة يا حب غالي  
يا اللي عشقتك أنا  
أسهر ليكي الليالي  
وأشوف بيكي الهنا  
أرجو كي كلميني  
زاد شوقي زاد حنيني  
حلى مر سنيني  
ما ليش غيرك أنا

أنا قلبي دق ليكي  
ياما رفرف بين إيديكي  
حاضن بالشوق عينيكي  
أصلى بحبك أنا  
عيونك دوول دوبيوني  
ورموشهم ياما سهروني  
في جمالهم عذبوني  
مغرم بيهم أنا  
إنت القلب الصافي  
إنت الحضن الدافي  
أوعي يوم تخافي  
بعدك عنى ضنا





ومهما أبعد أنا  
أنا بشتاق لك أنا  
ضميني بين شفائك  
يا نجمة في السما  
هني بالفرح قلبك  
والجرح ليا أنا  
هفضل عاشق بحبك  
لو عدت ميت سنة

## ز غلول

دستوركو ياللى معانا  
هنخفف في الكلام  
لاتقولى سينما روتانا  
ولا حتى قناة أفلام

لما المنادى ناده  
ز غلول منوفي مات  
والندا عندنا عاده  
في أى مناسبات



و شربنا القهوة سادة  
في الليله دى بالذات  
قالوا لاختوه تعالى  
علشان الإجراءات  
وكانت حالته حالة  
وعمل حبة حركات  
بص وقال دا هو  
أسمر وعوده طويل  
الواد زغلول القوة  
معقول يبقى نحيل

غسل يا عم وخلص  
اصل احنا مش ناقصين  
وادفن خليتنا نخلص  
علشان محناش فاضين  
فضوها من ع الباب  
والسعي كان مشكور  
ولا عملوا لحد حساب  
ومشيوا من ع المرور  
وسهرنا اليل صباحي  
ندعي رب العالمين  
وقولنا يا عين ارتاحي  
دا المولى مع الصابرين  
زغلول اهه طلع صاحي  
ومحناش مصدقين

جت النیابة تعاین  
قالوا مین صلی علیه؟  
ردوا وقالوا باین  
فتحی شحاته یابیہ  
قالوا هاتوه بسرعة  
هو عمو کمان  
الناس دی جاله سرعة

ودماغها في التوهان  
رد المحامى وقال  
دا فتحى دا غلبان  
من غير حتى سؤال  
أفعاله كدا بتبان  
دا موظف في الحكومة  
ماتعين من زمان  
ولا عمره مسك شومة  
وتملى فى الدكان  
صحيح هو ابن عمه  
خلي اللى يقول يقول



كان عايز يخلص منه  
عشان اسمه زغلول  
وليه ها نلوم علي امه  
ما هي رخره واكله فول  
وأخوه من كتر همه  
قال هو زغلول  
دى قصة من البداية  
ولا شغلة الأفلام  
عشناها للنهاية  
وختامنا كان السلام  
دستوركو ياللى معانا  
عرسنا زي العسل

عرسنا زي العسل  
وناس كتير تهواه  
نظرة عيونه أمل  
كل القلوب عشقاه  
ضربت بيه المثل  
في العشق يا محلاه  
بدر البدور اكمتل  
بعروسة أهه وياه  
لو اي شئ حصل  
جوه العيون شيلاه





محمود دا أجمل شئ  
في الدنيا تتمناه  
قولولى ايه العمل  
وازاى انا انساه  
قلبه زى الماس  
تاه الغرام في مداه  
عاشق مالىه الاحساس  
دايما بنجرى وراه  
لولا الملامه ياناس  
أدوب انا في هواه

# يا لياالى الحب

يا لياالى الحب عودى  
حلي مرار السنين  
عاشق هيثم سعودى  
مهما يقول اللايمين  
لون بالورد خدودى  
وافديه برموش العين  
حصوة في عين حسودى  
في جماله ما فيش اتنين



علشانہ انا الزم حدودی  
واتحدی بیه ملائین  
دایما صادق فی وعدی  
والکل اہہ شاہدین  
من صغری زی حدودی  
نعشق حب الحلون  
خلیتہ یاہوو معشوقی  
واجیب الصبر منین  
ولاحس یا ناس بوجودی  
ولا یعرف حتی انا مین

آدي آخرة حب سعودي  
بقيت واحد م المجانين



## الأهليه

م الأهليه خد طلبيه  
وقب ياحلو بالنقدية  
يلا بسرعه رد عليا  
عايز ايه من الأهليه  
عندنا هه شركات حكومية  
أصناف مايله أهه ومرمية  
خصومات عاليه كمان مديه  
تعمل ايه في ادارة غبية

آدي النيل عبي وشتيل  
فيها زيموجين صنف عويل  
يونيڤيلين بالملايين  
والبتادين دا حلو جميل  
تيجي معايا علي سيد  
اسمع مني خف الايد  
داي بناسيد وستروسيد  
كله ياباشا منه جديد  
اما بقي في اسكندرية  
حمل منها أصنافها هدية  
حاجه رخيصه كمان شعبيه  
ياه يا جمالها اسكندرية

اوعى تقولى جلوبال نابى  
 شرکه تترفز آه يا خرابى  
 عايز اصفي فيها حسابى  
 شغل اونطه وحرکات جابى  
 لما تشوف يا حبيبي سيفيكو  
 بص بسرعه اوام حواليكو  
 اسعارها دى نار وهتخليكو  
 بعد شويه تمدوا ايديكو  
 خليكو دايمًا في المضمون  
 كتر بقا من شغل أمون  
 هيمكيون علي الكابرون  
 وخش كمان عندنا زيثرون

عندنا ريرى حاجه فيرى تيكس  
بعسل نحل ورز فليكس  
وميه سخنه في البايركس  
تبقي الرضعه آسكس  
آدى شريكاتنا آهه يا أفنديه  
حاجه جميله آهه ومثاليه  
أول ترخيص ف المنوفية  
سموها إيه الأهليه





## الطب البيطري

مهما العزول يقول  
بنحبك ياسى زغلول  
وان كنا نسينا لىالى  
دايما فى البال على طول  
جيننا ومعاننا زهور  
واقفين فى الصف طابور  
بنهني بكل ما لينا  
والورد عليك مبدور

ياساينا وألف خسارة  
الزوق والطيبه أماره  
لو يوم زعلت منه  
علي طول يدنا سجاره  
بعدك هي جيبوا مين  
يا زعيم البطريين  
احترنا في الأسامي  
والزملآ أهه شاهدين  
وبقينا في التوهان  
وكانها حسبه كان  
نختار مين ومين



والكل يا ناس فرحان  
عندك حق تحتار  
وتقول مش عارف اختار  
معذور يا دكتور سيف  
أصل الحلوين كتار  
شطار وكمان حريفة  
ويسدوا في أى وظيفة  
نجيب بكل سرور  
فارس ولا بن خليفة

ارجع واقول من ثاني  
وبأعلي صوت حياني  
من بين الناس معروف  
دا اسمه علي طرف لساني  
متقدم خطوة بخطوة  
تلاقيه من بين الصفوه  
يحميه من شر العين  
محروس والناب أبو فاطمه



لا ای ای

لا ای ای  
ولا زی زی  
دا قمر و ضی  
و خال و خی  
عالی المقام  
حلو الکلام  
شعره تمام  
اسهر ما نام  
لیه ابتسامه  
سمه و علامه  
وقت الملامه

يلا السلامه  
السعد جاله  
غَيْرَ له حاله  
وان ساق دلالة  
حقه وماله  
زيه قليل  
ومالوش مثيل  
شاعر تقيل  
وصفه جميل  
ومهما اقول  
ويغيروا دوول  
عفيفى دا ابن الأصول



## صبّوا الشربات

صبّوا الشربات وفرقوا  
علي الحبايب وولدنا  
قول دا الفراعنه حققوا  
إنجاز كبير لبلدنا  
ده الأهلى ياناس  
جاب لنا الكاس  
مين بس يقدر يلحقوا  
صبّوا الشربات وفرقوا

من صغرى أحبه واعشقوه  
أحلى إداره مؤسسه  
كلمه بقولها صدقوه  
لعبه جامعه ومدرسه  
عدي المشوار بعزم وإصرار والفوز اختار  
واللى قصاده غرقوا  
صبو الشربات وفرقوا





نجوم في السما لألنوا  
الله عليهم يا جمـالهم  
كل القلوب اتعلقوا  
والمولي بارك ونصرهم  
مهما حكينا ولا روينـا هو نـادينـا  
م الفرحة قامو برقوا  
صبو الشربات وفرقوا

## انا مصرى

ايوه انا مصرى ومش متحرش  
أي حاجة أشوفها اطنش  
وقت الجد بعينى ابريش  
واعمل فيها عبيط ومدروش  
ايوه انا مصرى ومش متحرش  
مصري بدرجة كله تمام  
ومايسألش الكوسه بكام  
لو طبخوها وقالوا حمام  
همضغ فيها وأقول بتقرمش  
ايوه انا مصرى ومش متحرش



مصرى وجايز اكون معكوك  
جابو حالولى وقالوا هبكوك  
راح يدونا (اسم الله) صكوك  
هنعیش منها کمان ونعیش  
ایوه انا مصرى ومش متحرش

مصرى وضایع فیها کیانی  
لو عاتبونی باسد ودانی  
عمري ما اقول النار کویانی  
وادخل فیها کمان واکبش  
ایوه انا مصرى ومش متحرش

اعمل ايه ما انا معذور  
شاطر بس في فتح الزور  
بكره الغم مسيره يغور  
ويرجع تاني النور ونفرفش  
ايوه انا مصري ومش متحرش

اوعوا تقولوا دقه قديمه  
ولا دماغى وكلاها بريمه  
ازاي بس هاتبقى عظيمه  
والكل نازل فيها يهبش

## والله براوه

والله براوه عليك يا عراقى  
ايوا كدا أصبحت فدائى  
اسمع مني ولبي ندائى  
ان شا الله تعمل ميت أزمه  
أما يا واد كات حته جزمه  
والله براوه عليك جرنالجي  
مهما يقولوا عليك كلامنجي  
سيبك من كله يا ادرجي  
راح نبعتك حدوه بأزمه  
أما يا واد كات حته جزمه

والله براوه عليك يا لافندی  
معملهاش ولا مليون جندی  
الفين بوسه ليك من عندى  
لما حدفت بوش الجزمه  
أما يا واد كات حته جزمه

والله براوه ولسا الآجل  
فرح قلبي الخير العاجل  
وبقت جُرسه كمان بجلاجل  
خيبه وراح تتباع بالحزمه  
اما يا واد كات حته جزمه



حذقه وليها معني كبير  
مهما يقولوا الوضع خطير  
هنتنينا لأمتي حمير  
عاشين فيها من غير لازمه  
أما ياواد كات حته جزمه

ادي نهاية كل خداع  
فرده وفيها أحلى وداع  
حاجه تبرد في الأوجاع  
لو حتى بجوزين الجزمه  
أما يواد كات حته جزمه

يا بركة سيدنا الحسين  
قولى كان مكتوب لك فين  
علشان تاخذ فردتين  
فرده كانت فوق دماغك  
والتانيه كانت جوا العين  
يا بركة سيدنا الحسين  
والله انا مكسوف علشانك  
العراق دلوقتى هانك  
جاي تقولهم باي باي  
قاموا طررقعوا ودانك  
يا بركة سيدنا الحسين  
جاي وعامل فيها بيه





يستاهل ما يجرى ليه  
قولي ايه بس اللي جابك  
جاي تهبب فيها ايه  
يا بركة سيدنا الحسين

جاي ومش عامل حسابك  
لو يضيع فيها شبابك  
قبلنا دول ياما قالوا  
الجزم علشان جنابك  
يا بركة سيدنا الحسين

جای وعایز قال هدیه  
كان خلاص هیروح ضحیه  
لما قام سید النشامه  
واداله الفرده دیه  
یا بركة سیدنا الحسین

والله كان صعبان علیا  
هو یعني بقي هفیہ  
حبه حبه یلا قاوموا  
واضربوا بس بحنیہ  
یا بركة سیدنا الحسین



## نسل وسلسال

أما صحيح نسل وسلسال  
صنف يحير في الأفعال  
تلقى عيل من العيال  
عامل فيها سبع رجال

قلنا فيه أحلي العبارات  
سكر دايب في الشربات  
فاكرينه آيه من الآيات  
النبي حارسة أبو الشنبات

حركات ايه يابن اللّنام  
أنا هعملها عليك يا غلام  
عدي خلاص وقت الملام  
لما الفسل علينا لام  
صنف الطبع فيه غلاب  
كل شئ عنده بحساب  
من الصغير للي شاب  
حتي في قاعدة الاعتاب

شر الوصف يملي كتاب  
لو مصلحة تلقى الترحاب  
وساعة الشدة تلقى كلاب  
أوحدايه حضنها غراب



فيهم واحد عنده المال  
بين الأهل عم وخال  
هم الدنيا مش ع البال  
ناس أنها برضوا زوال

والتانى فاكّر نفسه جان  
لسه ملهلب أوى ولهان  
قرعته سارحه بين الودان  
وسنانه واقعه من زمان

عند لوثة كمان توهان  
ماشى يدور علي النسوان  
عينيه زايغه من الهيجان  
واما تعاتبه يقول شيطان

حكمة قولتها من زمان  
من فعالك أصلك ببيان  
نسل طاهر مالوهش أمان  
سلسال يعلم بيه الرحمان

مهما يعملوا في البنيان  
طبع الخسه فيهم بان  
بادعي المولى كل أدان  
نيجى نشارك في الأحزان



## الف مبروك

الف مبروك يا جارنا  
ويتم عليك بخير  
والله أنت قـمـرنا  
وتستاهل كل خير

مبروك عليك عروستك  
حلوه وست البنات  
الله يرحمها ستك  
كانت نفسها تبات

تعمل كحكك بأيديها  
وتدوق كل الناس  
قدر مكتوب عليها  
سبحانه حابس الأنفاس  
امك فرحانه الليله  
بتفرق في الشربات  
وابوك وكل العيله  
نازلين رقص وحركات

اخواتك ايديهم بأيديك  
الفرحة جوا عنيهم  
شمع منور حواليك  
ربّي يسعد لياليهم





كل الحبايب بتغنى  
مبروك مبروك مبروك  
يارب نفضل نهنى  
ونيحى نبارك لأخوك

## ألفين سلامة

ألفين سلامة ومرحبا  
علي الرجال الكوكبا  
أبطال عظام مؤدبا  
مش بس ناس مهذبا

كانو جنودنا علي الحدود  
بين الشـظايا والبارود  
ليكسروا ناب اللـدود  
وعزمهم مالوش حدود  
عبروا قنالنا باقـتدار  
بعد قساوة الانتظار  
شالوا مراره الانكسار  
وطلعوا شمس النهار  
قولولى مين زيهم  
جينا النهارده لأجلهم  
علشان نحى جمعهم  
ونبوس إيديهم كلهم



أيها السادة الكرام  
التحية مش كلام  
وعندهم زاد الاحترام  
وآخره كان السلام

## خير الكلام

خير الكلام ما قل ودل  
إسلام بحيرى زى الفل  
بأحلى حاجة علينا طل  
حير عقولنا وأيه الحل  
من غير ملامة ولا تهديد  
معاه هنسمع كل جديد  
ونقول كمان وياريتة يزيد  
أصله منارة من التجديد  
قعدنا نسمع ليل ونهار  
والكتل فيه ياناس احتار  
وقالوا أنه من الأشرار

وكل قط قصاده فتار  
وضح حاجات كتير لينا  
من اللى قالوا هنا قبلينا  
وكل شيخ هل علينا  
بفتوى أو رأي بالينا  
حلو دماؤنا باسم الدين  
وقالوا هما اللي فاهمين  
النية من قصد التبيين  
واحنا وراهم قولنا أمين

جاد الزمان وجاب إسلام  
دعبس ودور في الأيام  
وقال هنمحي كل ظلام  
نرجع لديننا بسرعه أوام

قصر الكلام الله يحميه  
من كل واحد بيعاديه  
وأى صعب يعينوا عليه  
إسلام بحيرى الله يقويه



## نادية

نادية يا حبيبة الكل  
يا صاحبه ورد وقل  
النور وياكى طل  
وبأحلى حاجة هل

نادية يا حبيبة الكل  
جاين علشان نبارك  
ونهنى كمان ونشارك  
مدرستك هي دارك  
واخده منك إصرارك  
نادية يا حبيبة الكل

لو نسال عنها إيناس  
هتقولك ست الناس  
مرفت وبكل حماس  
هتشيلها أوام ع الراس  
نادية يا حبيبة الكل

وهنسمع أحلي كلام  
من (أبله) ابتسام  
ونبيلة أهـه أدام  
دايما تقول تمام  
نادية يا حبيبة الكل



أما السيد أبو عيد  
مهما هنقول ونعيد  
المدح كمان هيزيد  
نصره وعبد المجيد  
نادية ياحبيبة الكل

عبد الهادي برضو أصيل  
جاي بيرد الجميل  
وداد وما لوهشي مثيل  
أوعي تقول دا بخيل  
نادية ياحبيبة الكل

واحننا كمان شاهدين  
مش كل المديرين  
يتقال ليهم أمين  
وهنفضل ليكى فاكرين  
نادية ياحبيبة الكل

العشرة مش بتهون  
واسألى عنا بتليفون  
يا أحلى ما فى الكون  
بعدك ازاي هنكون  
نادية ياحبيبة الكل



عشنا وياكى سنين  
مش حصه وحصتين  
أحلف بأي يمين  
انت أغلى الغاليين  
نادية يا حبيبة الكل

القوم الاخضر بحالها  
بشبابها وكم ان رجالها  
قالوا ما فيش مثالها  
والكل عارف أفضالها  
نادية يا حبيبة الكل

الكل جاى يهاديكى  
زي الشموع حواليكى  
وبندعى المولى ليكى  
دنيا وآخره يهنيكى  
نادية يا حبيبة الكل



## يا داعشى

يا داعشى الألمان  
بقنابلك أشـجينا  
نضفنا في الودان  
دوق ووريـنا  
سمعنا لحن كمان  
وأسعد ليالينا  
أمان يا لئالي أمان  
جوزال يا أفندينا  
قالوا عليك بركان  
حممه هتكـوينا  
شعلت في الوجدان

جرح يـكـيـنـا  
زلزلت كل مكان  
بـسـيـكـا تـغـوينا  
لكل لـحـن أوان  
بـالـثـون تـداوينا  
عـمـر دـا فـنـان  
الـحـانـه تـروينا  
الفـن لـيـه عـطـشـان  
قـرب وإسـقينا  
مـهـمـا نـقـول إـحـسـان  
فـضـلـه مـغـطينا  
اـشـتـقـنـا وـاللـه زـمـان  
حـن بـقـى عـلينا  
تـحـيـة مـن الغـلـبـان

تَحْمِلْ أَمَانِينَا  
رُدِّدْهَا كُلَّ لِسَانٍ  
أَجْمَلْ تَهَانِينَا  
عَمْرِيَا سَكْرَ مَانٍ  
نُورِكَ بِيضُ وِينَا  
هَرَجِيعْ وَاقُولْ فَنَانٍ  
لِهَلْبَتِ غَنَاوِينَا

## إيمان بكرى

أنا اسمى السيد موسى  
والشهره قول غلبان  
ووقعت يا ناس في حوسه  
مع شعر الست إيمان  
دا كلام يستاهل بوسه  
موصوف حَب الرُّمان  
إن قالوا عليها ننوسه  
كلمتها بميت فدان





في الواقفه تقولشي عروسه  
بتنور كل مكان  
حسيت ان انا قصقوصه  
يا هدية من الرحمن  
ان شاء الله تفضلي محروسه  
ولا يحسدك ولهان  
يا شقيه اوى وخبوصه  
يا جميلة ياست ايمان  
افتكرى السيد موسي  
واوعى تنسى الغلبان

# قالوا في الأمثال

قالوا في الأمثال

أكرم كريم جالك

أوصفه في موال

وحلي بيه شالك

شرفنا سيد الرجال

قصر الثقافه غنى لك

اسمك وقبله دال

غار منه عزالك



لا تقولى عم وخال  
في الطبع يا جمالك  
شاعر شيال أحمال  
الراحه مش حالك  
كفاية اللى بيتقال  
عنك وفي غيابك  
ودعينا بكل آمال  
يكثر من أمثالك  
يسري يابن الحلال  
خلينا علي بالك

## قول لرانیا

قول لرانیا الرحمة حلوة  
احنا مش حمل الوراق  
والفخاد دی رخرة بلوة  
حاجة سخنة قول هلاك

القوام دا عود ريحان  
والنهود دی ضرب نار  
كل دا جوا فستان  
عيننا فيه زى الشرار



لو مفتح م الجناب  
ولا طالع منه حرده  
كنا شفنا عش الغراب  
آه يال هوى عيني شاردة

نفس امصص فى الشفايف  
وفكرى يسرح فى الخيال  
وان قالوا عليا هايف  
أعمل ايه طالب الحلال

آه يا صِحة رِوحتي فين؟  
والرَّكب ايه اللي جالها  
لِسّه فينا الشوق دفين  
قوللي فين نلقى جمالها

شئ يخلي الراس تفور  
ما تسيبونا ياناس في حالنا  
ولا نشرب زيت كافور  
أى حاجة تهد حيلنا



ألف حسرة إليه جراننا؟  
الحياء إليه ببنا مات  
هى عايزة تجيب خبرنا  
وزماننا عدى وفات

قول لرانيا الرحمة حلوة  
هنعمل إليه فى طبعنا  
هنعمل إليه فى طبعنا  
لسه الكهانة فى دمننا  
أول ما يبقى فيه حريم  
على طول بيظهر مُحننا

وصوتنا ينعم فى الكلام  
ونهز راسنا ونقول حرام  
غير كمان سحب العيون  
والسرع ساب فى اللجام

نبدأ فى وصلة نحنلة  
ونداوى فى قلوب متجرحه  
وأيدينا تهرش فى القفا  
علشان ترق المصلحة



وكلمة كلمه خد وهات  
والهمس يقتل السكات  
واسطوانة فى طرف اللسان  
قبل منك ما فيش بنات

الله اكبر ع الجمال  
انت ليه سايقة الدلال  
نقعد نخدر فى المشاعر  
وألف حسرة ع الرجال

كل واحد فى شبابه  
لجل مزة باع صحابه  
أحنا هنغير طباع  
والندالة فى اللي جابه



## يا اهل الحكمة

يا اهل الحكمة ويا اهل الشبهة  
ليه افعالكو بجد غريبة  
حركات شايلة فيها الخيبة  
لو احكيها تبقى مصيبة

منكم واحد صاحب هيبة  
ما تحملش فى لحظة عصابة  
شاعر من بين الحريفة  
للمتنبى يبقى خليفة

وواحدة صاحبة نفس عفيفة  
ورده جميلة نسمة خفيفة  
حسناء حلو جميلة ظريفة  
هبت هبة مش لطيفة

عملوا زى نمر وديبة  
داخل سيرك بدون لعبية  
كلمة فى كلمة شد وريبة  
حرب وقامت حاجة عجيبة



وصف و ذم قول و شتيمه  
حرقة دم و قلة قيمة  
كله اتلم تقولش و ليمه  
غلطة وعدت قولنا سليمة  
راحت فين يا اخوانا الطيبة  
ولا خلاص زمن الحبيبة  
ما بقاش فاضل إلا العيبة  
يا دى الخيبة يادى العيبة

## حصوة ملح

أشكال عايزة حصوة ملح  
يمكن تنضف بيها العين  
عشقوا الندب وقت الفرح  
ناقص اللطم ع الخدين  
الأندلة من كتر الطفح  
عملت قهر على الشطين  
حطوا الشطة جوا الجرح  
وقالوا علينا حبة مساكين



البعرور من دول يلهينا  
ويقول بلدى واعشق مين  
اتاريه راسم على أهالينا  
حب مزيف م الأسافين  
من كتر الدق مخلينا  
مساطيل ماشية ورا مجانين  
كل كلامه مآثر فـينا  
نعمل إيه لابن الداخين

والثانى هلل عنده مصيبة  
وعارض حلقة بين شخصين  
استاذ وفى فن العيبة  
ومعارض فى الأصل حزين  
عادى تطلع منه العيبة  
حتى كلامه مش فاهمين  
ولا بيقدر حتى الشيبة  
راجل من صنف الملاعين  
وواحد كمان عاملة حبوبه  
حطة يابطة ع المذيعين  
حركتها فى الشو ملعوبة  
وديل القطعة آخرته فين  
همها كله فى السبوبة





وفلفل شطة بين اتنين  
حطة الطوبة فوق الطوبة  
وطحنة البن على الرمشين

وانت يا سيدنا حس بينا  
لا حسن يشمت فيك خاينين  
كل يومين بالهمم بالينا  
وتقول دانتو نور العين  
قوللى فين بس مودينا  
احنا خلاص ما احنش قادرين  
فاضل إيه تانى تورينا  
وحياة والدك مش ناقصين

هو الحق بس علينا  
ولا عشان احنا ساكتين  
هم العيشة مكتوب لنا  
وهما بخيرهم مش لاحقين  
كل شوية ييكتوا فينا  
ويقبضوا غم الناس ملايين  
لولا لطف المولى بيينا  
كنا زمانا فيها ضايعين

## یاللی منی تطق شرار

یاللی منی تطق شرار  
وتقول عني واد فحار  
ایوه بنظهر حق یا ساده  
اللی بیکلوا مالوهشی عباده  
ولا بيشوف راحة وسعادة  
وأخرته برضه یخش النار  
یاللی منی تطق شرار

كلمة وقالها عليا حمار  
كان يقصدها وقاللى هزار  
انت فاكرها بتبقى شطارة  
غلك ظاهر أوى يا سمارة  
الفين حسره عليك وخساره  
دا البعيد أصلا صرصار  
ياللى منى تطق شرار  
لو تعملها دقة زار  
وتغنيها ليل ونهار  
ربك فضله علينا كبير  
علشان كدا انت بتغير  
واللى زيك مالوش تأثير  
هعيش ويموت فيها حمار  
ياللى منى تطق شرار

أما صحيح صنف مكار  
دايما يشكى من الأعذار  
أكل الورث عنده هواية  
مايهموش لو حتى ولاية  
مهما تقوله خلاص وكفاية  
نازل حش تقول منشار  
ياللى منى تطق شرار

أنت بتملا جوفك نار  
كرشك راخر جاله سعار  
طمعك خلاك باقى عليها  
زى الحاوى تهبش فيها  
أجلك قرب قوم وارميها  
بكره هتشرب أحلى مرار  
ياللى منى تطق شرار  
فاكرين نفسكوا كده شطار  
لما لهفتوا الغيط والدار  
ربك اسمه الحق يا بيه  
وقت حسابك هتقول ايه

وان سألونا مالكم بيه  
هنقول عنك غم و غار  
ياللى منى تطق شرار

ليه الحق بس شعار  
حتى الكلمة بقت صبار  
أحنا بقينا بكل سهولة  
بندارى فيه بطريقه مهولة  
واللى يسانده ياخذله عموله  
والباطل بقى فيه إصرار

## المحافظ

أدى حالنا يا مصريين  
من السادة المسئولين  
راح نشـتـكى بس لمين  
من فعل المحافظين  
آدى واحد منهم قاضى  
بحاله كمان مش راضى  
ماعرفش يكون فيها قاضى  
ولسه عايش فى الماضى





لما نجح فى الثانوية  
كان يحلم بالكلية  
واما جاب خمسين الميه  
قال يا شرطة يا حربية  
كل عيلته كات مسروره  
لما علق الدبورة  
قاموا اتلموا واخذ صورة  
والناس بيهم كات مبهورة  
واما اترقى وخذ البشاوية  
جه محافظ فى المنوفية

حبه وخذ قرارات مصيرية  
شقلب فيها حال المديرية  
لغى مواعيدة من أولها  
وقال مشغول ومش فاضلها  
الى هيشكى يشرب ويلها  
واللى تصوت ياسواد ليها  
وأما راح يدفن عجلان  
قال بصوت يملا الودان  
شيلوا أقفاص أبو عمران  
وعتب الباب حتي الدكان



علشان يبقى الشكل حضارى  
وانا مش هرجع يوم فى قرارى  
واوعوا حد يقول دا دارى  
على إيد محضر أدى انذارى  
وان شالله تقولوا مجنون  
لجل بلدنا كله يهون  
أنا لازم أطبق القانون  
فى الكوم الاخضر والبتانون

طعم المية ليه اتعكر  
كله ممرر حتي السكر  
حتي عقولنا مش بتفكر  
لما بقينا فى إيد العسكر

خلوا عيشتنا زى الطين  
ساقية ودائره على الصفين  
واحنا فيها ليه ضايعين  
مهما هنصرخ سائلين



## شورتها

الناس أشكال والوان  
واصولها كمان بتبان  
منهم ولا ليههم قيمة  
ومنهم ورد فى بستان

فى ناس تدارى شمعته  
وتملى قاعدة فى بيتها  
شايله من الههم كثير  
ولا مرة تقول شكوتها

ويا ما ناس تظهر علتها  
معكوكة فى قلب خبيبتها  
تكتم فى صوت الضمير  
ولا تسعد يوم فى حياتها  
وناس مسعوره على المال  
دوول زى أبو الرجال  
شغال ولا شغل حمير  
ويقول انا عندى عيال

وناس على قد حالتها  
حبالها فى ايدين مراتها  
وان كان عندها تقصير  
ترجع على طول لحمتها

الحال بقى ليه مقلوب  
والكل بقى أهو مركوب  
واللى نفتكروا عنتر  
بقى على الرجال محسوب

بقى هيه كده آخرتها  
الناس ليه تهون كلمتها  
أهه من الاشكال دى كتير  
يكفيننا شر شورتها

## ميت حسره

ميت حسرة ومتين ندامة  
على ناس آخر أيامه  
عاليين الراس والهامة  
اصحاب فضل وشهامة  
لابسين تاج العمامة  
واخدين العدل شامه  
دايما فيهم وسامه  
اتلموا على اللمامه  
الخشنة فيهم علامة  
والطبع آخر رخامة  
شاربين بحر اللئامة



ولا ينفع فيهم ملامة  
ادوهم عز وكرامة  
يمكن تعالى المقامة  
الاصل كله صدامه  
وعليهم حبة تلامه  
كلامهم كلة أتامه  
واطيين عاملين زعامه  
واكلين السحت ياما  
منهم يا الله السلامة  
ميت حسرة ومتين ندامه

## جاك قبر يلمك

جاك قبر يلمك  
من دون الناس  
انت وطشت أمك  
يا عديم الاحساس

السيسى دا عمك  
مهما تقول فيه  
أهو حارق دمك  
اسم الله عليه



عمال ليه تـوَلُولُ  
على عمرڪ ليه  
دا باينه اتبول  
على روحه يا بيه  
هربان من بلدڪ  
وتقول دا جهاد  
ملعون أبو والدڪ  
من غير اسناد

بتبخ فى سمڪ  
فى قنّاة شـعـبـها  
وتقول طشت امڪ  
دا أوسع منها

جای لیه بتتریق  
على المشروع لیه  
طشت أمك ضيق  
هیعدی فیه إیه؟

رِيح في دماغك  
خليك في الخيبة  
بكره نجيب داغك  
يا اهل يا ابو شيبة



سافلٌ من يومك  
فى العمر بطوله  
مافى حد يلومك  
على اللى بتقوله

راح يجى يوم  
ونشوف طشت امك  
جاك نيله تدوم  
عليك وعلى امك

## الدونجوان

كلمة وقولتها زمان  
الواطى مالوش أمان  
مهما الدنيا تديله  
برضه اصله ببيان  
واطى وكمان جبان  
شغال شغل النسوان  
اللى بيعيده يزيده  
وكأنه ياناس عجان  
كان عايش الحرمان  
فجأة ملك الفدان

سبحانه اد عبیده  
وتَقَلّ فی الأوزان  
دلوقتى عامل جان  
بیدور على النسوان  
مسك الفلوس بأيده  
خلاص بقى دونجوان  
جاله سيد الجدعان  
ينصحه بلاش عصيان  
الكلب عض سيده  
عامل فيها زعلان  
فعلا مش غلطان

الغلط على الجدعان  
اللى خدوا بأيدّه  
قالوا عليه غلبان  
ناسين أنه تعبان  
عقرب يلدغ بلسان  
والكل أهله عارفينه  
فأرار وسط الفيران





## محتوى الكتاب

٣	مقدمة
٥	طرح الورد
٧	الاهداء
٨	ياللى فى حالى شمتانين
١١	لسه بدرى ع الحمار
١٤	يا شابّه يا مدممة
١٦	أما عجائب
١٩	سؤال لو سمحت
٢١	يا كل جحش
٢٣	أما عجيبة
٢٥	غيتونا يا خلق هووه
٣٢	مازن
٣٤	المنتدى
٣٩	أحلى مز
٤١	المعدّة
٤٣	حوده
٤٥	لما الحياه

٤٧	أميرة .....
٥٠	زغلول .....
٥٥	عرسنا زي العسل .....
٥٨	يالياللى الحب .....
٦١	الأهليه .....
٦٥	الطب البيطري .....
٦٩	لا أى أى .....
٧١	صّبوا الشرابات .....
٧٤	انا مصرى .....
٧٧	والله براوه .....
٨٣	نسل وسلسال .....
٨٧	الف مبروك .....
٨٩	ألفين سلامة .....
٩٢	خير الكلام .....
٩٥	نادية .....
١٠١	يا داعشى .....
١٠٤	إيمان بكرى .....
١٠٦	قالوا في الأمثال .....
١٠٨	قول لرانيا .....



١١٥	يا اهل الحكمة
١١٨	حصوة ملح
١٢٣	ياللى منى تطق شرار
١٢٨	المحافظ
١٣٣	شورتها
١٣٦	ميت حسرہ
١٣٨	جاك قبر يلّمك
١٤٢	الدونجوان
١٤٥	محتوى الكتاب